




Во славу
Святыя Единосущныя
и Неразделимыя Троицы:
Отца и Сына и Святаго Духа.
В честь же и похвалу
Небесныя Царицы,
Пречистыя Девы Богородицы.
Под Твое благоутрбие прибегаем,
Богородице Дево, моли нас
не презри в скорбех, но от бед
избави нас,
едина чистая
и благословенная.




**Госпоже́,
устне́ моя отвѣрзешы,
и уста́ моя возвестятъ
хвалу Твою́.
Госпоже́ моя,
в по́мощь мою вонми́.
Сла́ва Тебе́, си́рот Ма́ти;
сотвори́ нам
ми́лостива
Вседержи́теля Бо́га.**



О Пресвятая Владычице, Пречистая Дѣво Богородице, Господа Бога моего Иисуса Христа Мати, припадаю и молются, яко Матери Царевой, предначиная к Тебѣ недостойное мое сие молѣние, еже приѣмши, о Мати Царя небесѣ и земли, принеси к Царю царствующих, всех Господу, Сыну Твоему и Богу, и прощѣние всем согрѣшеніям моим испроси, житію моему подаждь исправленіе и на кончинѣ от воздушныхъ враговъ немятежное прешѣствие, Царствія Божественный вход отворсти исходатайствуй ми и тамо райскія пищи наслажденія, горняго онаго града, вышняго прекраснаго Иерусалима веселія и неизреченныхъ

то́го красóт, свѣтлости же Трисия́ннаго
Тро́ичнаго Свѣта и слáдкаго глása
áнгельских пѣний наслажда́тися;
Своея́же слáвы и рáдости наслѣдника
мя и свята́ым всем соприча́тника со-
твори́, вся бо мо́жеша, я́ко Ма́ти Царя́
Всемо́гущаго; и ны́не у́бо, изряднее же
в час сей, услы́ши мя, Всеми́лостивая
Влады́чице, предстоя́ща Ти, вонми́,
Госпо́же Цари́це, моле́бное пѣние при-
нося́щу Ти.





ПОКЛОНЕНИЕ ПРЕСВЯТЕЙ БОГОРОДИЦЕ*

Приидите, поклонимся Царице нашей Богородице.

Приидите, поклонимся Деве Марии, Царице нашей Богородице.

Приидите, поклонимся и припадём к Самой Госпоже Деве Марии, Царице нашей Богородице.

Поклоняемся Тебе, Пресвятая Богородице, Твоим Рождеством являющая нам свет истинный, Царице небу и земли, надежде ненадежных, Помощнице немощным, Ходатаице всем грешным,

* Из творений святителя Димитрия Ростовского.

Ты нас покрый и заступй от всех бед и нужд душевных и телесных; и буди нам, молимся, Заступница святыми Твоими молитвами.

Покланяемся Твоему благословенному Зачатию и Рождению от святых ти родителей, от Иоакима и Анны, молим Тя, Госпоже наша, даждь нам житие безгрешно зачати и родити плоды покаяния.

Покланяемся Твоему Введению в церковь Господню, трилетьствовавшая Отроковице, и молим Тя, Свете наш, церковь нас содейлай Святому Духу молитвами Твоими.

Покланяемся Благовещению Твоему, Пречистая Богородице Дево, егда действием Святаго Духа со гласом Архангельским зачала еси Слово Отчее, и молим Тя, Свете наш, нам, отчаянным, блавестй спасение.

Покланяемся Рождению Твоему,
егда воплотила и родила еси Христа,
Спаса миру, и явилася еси Матерь
Богу, от всея твари славила и превоз-
носима, и молим Тя, Свете наш, являй
Себе Матерь милосерду ныне и во век
будущий.

Покланяемся очищению Твоему,
нескверная, неблазная, нетленная, Пре-
чистая, и молим Тя, Свете наш, очисти
нас от всякия скверны плоти и духа
молитвами Твоими.

Покланяемся и почитаем болѣзни
Твоя, яже претерпела еси во время
вольныя страсти Сына Твоего, егда со-
бытся Симеоново проречение: Тебе
же Самой душу оружие пройдет, и мо-
лим Тя, Свете наш, болѣзни душевныя
и телесныя избави нас.

Покланяемся Тебе, Госпоже, вос-
поминающе радость Твою, юже имела
еси во время Воскресения Сына

Твоего, и молим Тя, Свете наш, радости духовныя не лишй нас.

Покланяемся честному и славному Успению Твоему, и молим Тя, Свете наш, успй страсти наша плотскія помощию Твоею.

О Пресвятая Владычице Богородице! Приими сие малое моление и принеси е Сыну Твоему и Богу нашему, да спасет и просветит Тебе ради души наша.

На Твой пресвятой образ взирая, яко истинную Самую Тя зрим сущую Богородицу, верою сердечною и любовью от души припадаем и покланяемся с Предвечным и на руку Твоею держимым Младенцем, Господом нашим Иисусом Христом.

О Пресвятая Госпоже наша, Царице Небесная, Преславная Владычице, Дево Богородице, печальных всех праведное утешение, и всем, уповающим

на Тя, живёт и воскресение; приклони, о Госпоже, пречистая Своя ушеса к молитве нашей, приносимой Тебе от нас, непотребных и недостойных рабов Твоих.

О Мати наша милосердая! Яви на нас милость Свою, в печали сущих и во гресех всегда пребывающих, и не презри нас, многогрешных рабов Твоих.

О Мати наша прекрасная!

Всех благих Ты еси вина, смертных человек оживление и погибших избавление, прими недостойное наше сие моление, падших и многогрешных рабов Твоих, в час сей горькаго и плачевнаго и болезненнаго нашего прошения, яко дерзаем ныне глаголати к Тебе, Пресвятей Госпоже Царице Богородице, сие моление и радостное со Ангелом приглашение сицевое: Богородице Дево, радуйся, Благодатная Марие, яко зачала еси плотию Сына

Божия. Рáдуйся, я́ко Егó во чрѣве Твоѣм носила еси́. Рáдуйся, я́ко Егó родила́ еси́. Рáдуйся, я́ко сосцы́ пита́ла еси́. Рáдуйся, я́ко Емú волсви́ поклоня́лись. Рáдуйся, я́ко Христа́ в це́ркви по три́ех днех обрела́ еси́. Рáдуйся, я́ко Христо́с воскресе́ из ме́ртвых и взы́де на небеса́. Рáдуйся, я́ко Ты Сама́ на не́бо взята́ еси́. Рáдуйся, я́ко Ты де́вством А́нгелов и сла́вою святы́х превосходи́ши. Рáдуйся, я́ко Ты на земли́ мир твори́ши. Рáдуйся, я́ко Тебе́ жи́тели небесни́и вси послу́шны суть. Рáдуйся, я́ко Ты, е́же хо́щеша, у Сы́на Твоегó, Христа́ Бо́га на́шего, испроси́ти мо́жеша. Рáдуйся, я́ко сподобилася еси́ бы́ти близ Пресвяты́я Трои́цы. Рáдуйся, я́ко Ты Ма́ти люде́й озло́бленных, и́же к Тебе́ прибега́ют. Рáдуйся, я́ко Твоя́ ра́дость во век не сконча́ется. Рáдуйся, Благода́тная, Госпо́дь с Тобо́ю.

О Пресвятая Госпоже, Владычице
Дева Богородице! Приими недостой-
ную молитву нашу и сохрани нас от
наглыя смерти, и даруй нам прежде
конца покаяние.

МОЛИТВА

Достойно славимая и праведно от
всех горних чинов ублажаемая, яко
без сравнения их превосходящая,
Бога и Творца всяческих рождающая,
паче всех возвеличенная, Ейже, яко
Царице, предстоят лица ангельстии,
Гавриилу песнь возглашающе: ра-
дуйся, Благодатная! Наши же греш-
ные и бранные уста, кую достойную
похвалу принести возмогут вели-
чию Твоему, точию да зовем Ти:
о Пречудная Владычице, молися
из Тебе воплощенному Христу Богу

нашему, да при́зрит на ны, люди без-
отвѣтныя, да сохранит нас невре-
димых от всех навѣт вра́жиих и злых
клевет, мно́го бо мо́жет Твоя ма́тер-
няя моли́тва, по рече́нному: проси́,
Ма́ти Моя́, не отвращу́ся, но вся
проше́ния Твоя́ исполню, — ра́дос-
тию о сем исполняе́мии зыва́ем Ти:
спаси́, Влады́чице, погибáющия рабы́
Твоя́, просвети́ омраче́нныя суемудр-
ствованіями ве́ка сего́ и приведи́ ны
к Сладча́йшему Иису́су, — да ве́чно
ра́дующеся, зыва́ем: сла́ва Отцу́,
сла́ва Сы́ну, сла́ва и Свято́му Ду́ху,
сла́ва и Тебе́, Пресла́вней и Пренепо-
ро́чней Де́ве Богома́тери, ублажа́емой
и благословля́емой в бесконече́нные
ве́ки веко́в. Аминь.





Достойно есть,
яко воистину блажити Тя,
Богородицу, Присноблаженную
и Пренепорочную,
и Матерь Бога нашего.
Честнейшую Херувим
и славнейшую
без сравнения Серафим,
без исления
Бога Слова рождшую,
сущую Богородицу
Тя величаем.



КАҲИСМА 1

ПСАЛОМ 1

Блажен муж, иже любит имя Твое,
Приснодево Мати Марие: благодатию
Твоею душа его утвердится и яко дре-
во при исходящих вод насажденное,
множайшия плоды правды изнесет.
Благословенна Ты в женах ради сми-
рения и веры сердца Твоего; всех бо
жен побеждаеши красотю Твоею,
превосходиши Ангелов и Архангелов
святынею, милости и щедроты Твоя
везде проповедуются; Бог делá рук
Твоих благословил есть.

ПСАЛОМ 2

Госпожé, чесó рáди шатáшася язýцы, стужáющи ми? Бúрею úжаса и стрáха посрамí и низложí их. Да покрьéт нас деснíца Твоя́, расточí тúчи беззакóний нáших, возмí брéмя грехóв нáших. Приидíте к Ней вси труждáющиися и обременéнии — и упокóбит вас, приступíте к Ней в напáстех вáших — и осветíт вас просвещéние лицá Ея; благословíте Ю всем сёрдцем вáшим: мíлости бо Ея́ полнá земл́я.

ПСАЛОМ 3

Госпожé, что умнóжишася вíдимыя и невíдимыя вразí, стужáющи ми? Бúрею прáведнаго гнéва Твоегó да развéеши их. Помíлуй мя, Госпожé, и исцели́ нéмощи моя́, согрэй оледенéлое сёрдце моé и не преда́ждь менé

в рѹки душѣвныхъ враговъ моихъ; в день смѣрти моея предстанѣ в по́мощь души́ моея, приведи́ мя ко пристѣнищу спасѣнѣя. Сла́ва Тебѣ, безпо́мощныхъ За-стѹпнице.

ПЕСНЬ ВМЕСТО СЛАВЫ

Тя, Мѣтерь Бѣжию, хва́лим, Тя, Марию Приснодѣву и Богородицу, исповѣдуем, Тя, от Превѣчнаго Отца́ избрѣнную, вся земля велича́ет; Тебѣ вси А́нгели и Арха́нгели, Тебѣ вси Нача́ла смире́нно слѹжат, Тебѣ вси вла́сти и превѣшнѣя Сѣлы Небѣсныя и вся Господствѣя повинѹются; Тебѣ вси Престо́ли, Тебѣ Херувѣми и Серафѣми ра́дующесея предсто́ят, Тебѣ вси а́нгельскѣя ли́ки непрестѣнным гла́сом вопиѹт: «Пресвята́я Богородице Марѣе, Мѣти Приснодѣво! Полны́ суть небеса́ и земля вели́чества сла́вы чре́ва Твоего́!» — Тебѣ пресла́вный апо́стольскѣй

лик своего Творца и Спасителя Матерь
восхваляют, Тебе мучеников множество
Богородицу величают, Тебе преслав-
ный исповедников лик Святыя Троицы
храм нарицают; Тебе девственнии пол-
цы своего девства образ проповедуют,
Тебе вси святых души Преславную
Царицу небес нарицают, Тебе по всей
вселенней Святая Церковь всех верных
христиан исповедует Матерь Божию
и почитает истиннаго Царя Небеснаго
Богоизбранную Отроковицу; Ты Ан-
гелов Госпоже и всех святых слава, Ты
райская отверстая дверь, Ты Лестнице
Царствия Небеснаго; Ты Царя Славы
прекрасный чертоже, Ты неистленный
ковчеже благодати, Ты бездна щедрот;
Ты прибежище грешных, Ты благо-
словенная Мати Спасителя Христа,
Ты ради освобождения плененнаго
человека Бога восприяла еси во чреве
от Духа Святаго и Невместимаго

вмести́ла еси́; Тобо́ю попрáн бысть áдский враг и отверзо́шася вѣрным двѣри Цáрствия Небѣснаго; Ты одесну́ю Бóга стои́ши, Ты Его́ умоля́еши за нас, Присноде́во Мари́е, Ёже бу́дет суди́ти живы́х и ме́ртвых; Тя у́бо желáем всегдá бы́ти на́шу Засту́пницу к возлю́бленному Сы́ну Твоему́ и Бóгу, Ёже Честно́ю Кро́вию нас искупíл есть, да воспри́имем вѣчныя сла́вы обетова́ние. Спаси́ лю́ди Твоя́, о Влады́чице! И благослови́ досто́яние Твое́, я́ко да бу́дем причáстницы блаже́ннаго насле́дия Сы́на Твоего́, и упаси́ нас, и возми́ нас да́же до ве́ка, на всяк день. О прещё́драя! Хвали́ти и блажи́ти Тя желáем се́рдцем и устна́ми. Сподóби, премилосе́рдная Ма́ти, ны́не и всегдá без грехá сохрани́тися нам, помíлуй нас, Засту́пнице, помíлуй нас, да бу́дет ми́лость Твоя́ с на́ми, я́ко упова́ем на Тя, соблюди́ нас, премилосе́рдная, во ве́ки веко́в.

Тебѣ подобает хвалá, Тебѣ подобает слава, Тебѣ подобает пѣние ныне и присно и во вѣки веков. Аминь.

ПСАЛОМ 4

Егда́ призвáх Тя, Госпожé, с вѣрою и надéждою на Тя, услышала мя еси́ и от рыкающей поднебésной злóбы, приуговившейся снэсти мя, и от хищных рук, ищущих души́ моея́, мѣлостию Твоею защитила и избáвила мя еси́, понéже благá мѣлость Твоя́ на всех, призывáющих имя́ Твое́ святóе; благословénна Ты в женáх, Госпожé, во вѣки, и владычество́ Твое́ вознесéся во век вѣка.

ПСАЛОМ 5

Глаго́лы моя́ внуши́, Госпожé, и не отврати́ от менé мáтернее лице́ Твое́, обрати́ плач мой в рáдость и сéтование моé

в весéлие, да падúт пред ногáми мойми
вразí мой, многомóщными молíтвами
Твоими гóрдья главы их сокруши́, да
благословíт Тя всяк язýк, и íмя Твоé
исповéсть всяка плоть; благословéнна
еси́, о вели́каго Царя́ Небéснаго Дщи: Ты
еси́ венéц всей свята́ни, Ты еси́ сла́ва
гóрнему и до́льному Иерусали́му; благо-
словя́щи Тя избы́точествуют в трудéх
свои́х, благословя́щи Тя бúдут благо-
словéнны, кленúщи Тя прокленúтся;
да не умáлится от до́му рабóв Твои́х вина́
и елéя избы́лие; благословля́ем Бóга,
созда́вшего Тя, благословéни родíтели
Твой, рóждшии Тя; благословéнна еси́,
Госпожé, на небеси́ и на земли́, хва́льна
и препросла́вленна во véки веко́в.

ПСАЛОМ 6

Госпожé, да не я́ростию Своёю
обличíт нас, грéшных, правосúдный

Госпо́дь, ниже́ гнёвом Его́ нака́жемся;
Ты, Засту́пнице на́ша, да попече́шися
о нас и ра́ди свята́го и́мени Твоего́ от
врат а́довых и от чре́ва мра́чныя без-
дны Твои́ми моли́твами изба́ви нас;
да пове́даем во ве́ки чудеса́ Твоя́, по-
не́же не ме́ртвии, ниже́ су́щии во а́де
восхва́лят Тя, но мы, живи́и, благода́-
тию Твоёю благослови́м Тя.

ПЕСНЬ ВМЕСТО СЛАВЫ

Сла́ва Тебе́, Ма́ти Бо́жия, ве́рных
прибе́жище, избавле́ние в лю́тых со-
держимым, душе́ моёй Божество́нное
утеше́ние! Всеокая́нную ду́шу мою́,
Благода́тная, уязвленную стреля́нии
зло́бнаго ра́тника, вруча́ю всеси́льно-
му предста́тельству Твоему́, ю́же со-
блюда́й и покрыва́й, и спаса́й от бесо́в-
ских ко́зней невреди́му, да зову́ Ти:
«Ра́дуйся, Невесто́ Неве́стная!».

ПСАЛОМ 7

Госпожé моя, на Тя упováх;
от враговъ избáви дýшу мою, я́ко да во
смирéнии моёмъ благоугождý Тебé;
свётлость лица́ Твоего́ да облистáет
дýшу мою, и воззрénие Твое́ на мя
мíлостивное да освятíт со́весть мою,
и принесу́ Тобо́ю молíтвы и молéния
к Вы́шнему.

ПСАЛОМ 8

Госпожé, Госпóдь наш бысть Тобо́ю
Спасíтель и брат наш; я́ко огонь в ку-
пинé и росá на рунó на Тя снíде Пред-
вéчное Бóжие Сло́во, Дýху Свято́му
нашédшу, осení Тя сíла Вы́шняго;
благословén зачáтый в Тебé Плод
чрéва Твоего́, благословénно Рожде-
ствó Твое́ дéвственное, благословénна
чистотá плóти Твоея́, благословénны

щедроты сердца Твоего: слава Тебе,
всех верных усердная Заступнице.

ПЕСНЬ ВМЕСТО СЛАВЫ

Радуйся, прещедрая милости Мати,
спаси благодатию Твоею всех, призы-
вающих Тя во истине, в уединении су-
щим буди утешением, во искушениях
прибежищем; помощи Твоей вручаю
душу и тело мое, управи, научи, что ми
подобает творити, да спасуся.


МОЛИТВА

Владычице Богородице, человеко-
любивая Госпоже моя, Ты веши помыш-
ления и дела моя, и немощь моего есте-
ства. Тебе душу мою, юже оскверних
грехми и непотребными помысли,
представляю. Ты бо, Владычице, веши
гною моих язв, телесных и душевных,
Ты же и исцеление от них даруй, возли-
вающихи каплю Твоего человеколюбия

и милости. Призри́ ўбо, Влады́чице моя́
Богоро́дице, милосе́рдым Твои́м о́ком
на окаянную мою́ ду́шу, одержи́мую тя-
гостию грехо́вною, и готову́ сущу́ огню́
предану́ бы́ти от Пра́веднаго Судии́.
Но моли́твами Твои́ми, Человеколю́-
бице, благоприя́тна сотвори́ Своего́
Сы́на и всех Бо́га, хотя́щаго мя обли-
чи́ти пред А́нгелы и челове́ки за мои́
худы́я помышле́ния и дела́. Послу́ша-
ет бо Тебе́, я́ко Благ и Человеколю́бец,
о душе́ мое́й окаянней моля́щуюся.
О прибе́жище ве́рных, поми́луй мя,
валя́ющагося в бе́здне грехо́вней, но
принося́щаго Ти воздыха́ние от сокру-
ше́ннаго се́рдца, да Твоего́ ра́ди заступ-
ле́ния сподо́блюся прощэ́ния мно́гих
мои́х грехо́в. Тебе́ бо нам прибе́жище
положи́л есть Сын Твой Бог. Ей, Го́с-
поди, Го́споди, изво́ливый милосе́рдия
ра́ди Твоего́ роди́тися от Чи́стыя Ма́тере
и Присноде́вы Мари́и, спасэ́ния ра́ди

человѣческаго, приими сию Ходатаицу
о моемъ недостоинствѣ. Тоя ради помощи
и заступленія припадаю к Твоей
безмѣрной благодати и человеколѣбю,
да получу прощѣние греховъ моихъ, ими
же волюю согрѣшихъ предъ Тобою, Гос-
поди. Яко Тебѣ подобаетъ всякая слава,
честь со Отцемъ и Святымъ Духомъ, нынѣ
и присно и во вѣки вѣковъ. Аминь.





СОДЕРЖАНИЕ

ПСАЛТИРЬ БОЖИЕЙ МАТЕРИ

— 5 —

ПЯТОЧИСЛЕННЫЕ МОЛИТВЫ

— 219 —

КРАТКИЙ СЛОВАРЬ

— 232 —

